

# ქვეყნის



საქართველოს ეროვნული დამოუკიდებლობის პარტიის  
საზოგადოებრივ-პოლიტიკური გაზეთი

№7

ეროვნული  
ზინური

პარასკევი,  
10 ნოემბერი,  
1989 წ.

## ◆ ინტერვიუ



1989 წლის 31 ოქტომბერს რესპუბლიკის პოლიტიკურ ცხოვრებაში მოხდა უბრუნებელი შემთხვევა-ერთმანეთს მრავალ მაგიდასთან შეხვედრენ რესპუბლიკის მართლმადიდებელი ხელისუფლებისა და საქართველოს ეროვნული ხსნის კომიტეტის წარმომადგენლებს. ამ და სხვა საჭიროებოთ საკითხებზე ქვემოთ მოცემულ ინტერვიუში გვესაუბრება ქართული ეროვნულ-განმათავისუფლებელი მოძრაობის ერთ-ერთი ლიდერი, ეროვნული დამოუკიდებლობის პარტიის მთავარი კომიტეტის წევრი ირაკლი ბათიაშვილი.

## ირაკლი ბათიაშვილი:

# ღმერთმა ჰქმნას, რომ ჩვენი ერთიანობა იყოს უკლები

**კითხვა:** ირაკლი, ეს-ესაა დამთავრდა მოლაპარაკება მხატვრის სახლში. რამ განაპირობა დღევანდელი შეხვედრა და როგორ წარიმართა იგი?

**პასუხი:** შეხვედრის შესახებ წინადადება მოვიდა ეგრეთ წოდებული ხელისუფლების მხრიდან. როგორც ცნობილია, ჩვენ წამოვიწყეთ დიდი აქცია მთავრობის სასახლესთან, რომელსაც სამი ძირითადი მიმართულება აქვს: 1) საქართველოში საერთაშორისო მისიების ჩამოყვანა. 2) საოკუპაციო ჯარებში ქართველი წევრების გაწვევის ბოიკოტი. 3) აფხაზეთში დამნაშავე სეპარატისტთა და ტერორისტთა დასჯა. პირველი ორი საკითხი არაერთარ მოთხოვნას, არც საქართველოს და არც საკავშირო მთავრობისადმი არ შეიცავს, რადგან მისიების ჩამოსვლა ეხება თავად საერთაშორისო სამართლის ინსტიტუტებსა და ორგანიზაციებს. ( გაერო, ევროსაბჭო, ევროპარლამენტი) ასევე საიმპერიო სამსახურში უარის თქმა, არის უბრალოდ ბოიკოტი და ეს ბიჭები არაერთარ პასუხს დადებთ ან უარყოფითს არ ელიან ხელისუფლებისაგან, რადგან იგი არასოდეს არ განაცხადებს თანხმობას წერილობითი დოკუმენტის სახით-მათ არ იმსახურონ საოკუპაციო არმიის რიგებში-ეს ხომ აბსურდია. რაც შეეხება აფხაზეთის საკითხს, ჩვენ ეგრეთ წოდებულ მთავრობას, ამ საკითხთან დაკავშირებით წავუყენეთ კონკრეტული მოთხოვნები. აქციაზე წამოყენებული მოთხოვნები თავისთავში გულისხმობს მრავალ კონკრეტულ პრობლემას და ამ მოთხოვნების გრძელი სია წარდგენილი იქნა ეროვნული ხსნის მთავარი კომიტეტის მიერ, რომელიც მან შეიმუშავა და დაამტკიცა 30 ოქტომბერს, კერძოდ:

- ე.წ. ხელისუფლებამ ხელი არ უნდა შეგვიშალოს და საშუალება მოგვცეს ჩვეი-დეთ დასავლეთის სხვადასხვა ქალაქებში, დაფუკავშირდეთ საერთაშორისო ორგანიზაციებს მისიების ჩამოყვანის მოთხოვნით.
- მოვითხოვთ სსრკ შინაგანი ჯარების გაყვანას აფხაზეთიდან და მათ მაგივრად ჩვენი რესპუბლიკის გაძლიერებული მილიციის ნაწილებისა და ქართული სახალხო რაზმელების შეყვანას.
- როკის გვირაბის გაუქმებას, რომელიც არის ერთ-ერთი საშუალება სამარტაბლოში ეთნოკრიზისის შესაქმნელად.
- ე.წ. სამხრეთ ოსეთის ავტონომიური რესპუბლიკისათვის ცხინვალის ოლქის დარქმევას.

არმიის წარსვლულობის გამო დაკავებული ორი პოლიტპატიმრის განთავისუფლება.

ზემოაღნიშნულ მოთხოვნათა სია წარდგენილი იქნა ცკ-ს პირველი მდივნის გივი გუმბარიძისადმი. ამასთან ერთად, აქციის დღის წესრიგში დგას ერთი ცენტრალური, უნდა მენატრის მოთხოვნა, რაზედაც უთუოდ დამოკიდებულია ქართული ეროვნულ-განმათავისუფლებელი მოძრაობის მნიშვნელოვანი წინსვლა და სახელდობრ, რეფერენდუმის ჩატარება შემდეგ საკითხზე: სურს თუ არა ქართველ ხალხს, რომ საქართველოს სახელმწიფოებრივი ალგენის საკითხი განხილულ იქნას საერთაშორისო სამართლის დონეზე?

- კითხვა:** კიდევ ვინ ესწრებოდნენ მთავრობის მხრიდან ამ შეკრებას?
- პასუხი:** მინისტრთა საბჭოს თავმჯდომარე ჭითანავა, შინაგან საქმეთა მინისტრი გორგოძე და რესპუბლიკის პროკურორი რაზმაძე.
- კითხვა:** როგორ წარიმართა დიალოგი?
- პასუხი:** დიალოგი, რომელიც მიმდინარეობდა თითქმის ხუთი საათის განმავლობაში, იყო ძალზედ მწვავე და პრინციპული, მაგრამ თავაზიანობისა და ტაქტის საზღვრებს არ გასცილებია.
- კითხვა:** რა მოთხოვნები წამოაყენა მთავრობამ?
- პასუხი:** მათი მთავარი მოთხოვნა იყო, რომ აქცია შეწყვეტილიყო იმ ფორმით, როგორც ერთად იგი დღეს მიმდინარეობს, მაგრამ ჩვენ ამ თხოვნას არ დავთანხმდით, რადგან ჩვენ ვხელობდვან ელვით საკუთარი საბრძოლო გეგმით, რომელიც ჩვენ კაპრიზზე კი არ არის დამოკიდებული, არამედ განპირობებულია ეროვნულ-განმათავისუფლებელი ბრძოლის აუცილებლობით.

- კითხვა:** კმაყოფილი დარჩით დიალოგით?
- პასუხი:** მე არც კმაყოფილი დავრჩენილვარ და არც უკმაყოფილო, ეს იყო საკვირის პრინციპული დიალოგი მოწინააღმდეგე ძალებს შორის.
- კითხვა:** როგორ ფიქრობთ, მთავრობა მართლა დადგა ეროვნულ პოზიციებზე თუ იგი უბრალოდ მამულიშვილური მანტიით შეიმოსა?
- პასუხი:** შეიძლება ისინი, როგორც პიროვნებები, არ არიან უარყოფითი, მაგრამ როგორც პოლიტიკური მმართველობის ინსტიტუტის წარმომადგენლებს მათ არ შეუძლიათ ჰქონდეთ ეროვნული კონცეფცია (არა თუ არ უნდათ, არამედ არ შეუძლიათ) მათი „ეროვნული სულსკვეთება“ განპირობებულია ახალი სიტუაციით, რადგან დღეს აღარ ძალუძთ დაიკავონ აშკარა ანტიქართული პოზიცია საქართველოში ეროვნული ენერჯის აფეთქების გამო, ე.წ. ხელი-



სუფლება ცდილობს არ დაკარგოს საფუძველი არსებობისა და მოიპოვოს ავტორიტეტი ხალხში. მას სჭირდება ხალხს დაეხმოს რომ ისიც ეროვნულ პოზიციებზე დგას.

- კითხვა:** ექნება თუ არა დამოუკიდებელ საქართველოში ადგილი კომპარტიას?
- პასუხი:** იმდენად, რამდენადაც საერთაშორისო სამართლით კომპარტია ნაციონალურ-სოციალისტური პარტიისაგან განსხვავებით აკრძალული არ არის, ჩვენ უფლება არა გვაქვს ტაბუ დავადოთ მას.
- კითხვა:** თბილისში ჩამოსული იყო გაეროს თავმჯდომარის მოადგილე ქალბატონი მარგარეტ ენგსტი, გქონდათ თუ არა მასთან შეხვედრა და ვადავით თუ არა მას თქვენი მოთხოვნები?
- პასუხი:** გავივთ თუ არა მისი ჩამოსვლა, ჩვენ მოვაწყეთ პიკეტი პიონერთა სასახლესთან, სადაც მისი მორიგი რეპრეზენტატი იყო დაგეგმილი და ჩვენი ძალისხმევით მოვახერხეთ ის, რომ სწრაფად გამსახურდამ და ირაკლი წერეთელმა ქალბატონ მარგარეტ ენგსტს გადასცეს საქართველოს ეროვნული დამოუკიდებლობისა და წმ. ილია მართლის საზოგადოების მიმართვა, რომელშიც მოკლედ არის მიმოხილული საქართველოს ისტორია ცარიზმისა და ბოლშევიზმის დროს, საქართველოს ანექსიის დაქტები, ეროვნულ-განმათავისუფლებელი მოძრაობის ისტორია და ჩვენი მოთხოვნა საერთაშორისო მისიების ჩამოსვლის შესახებ.
- კითხვა:** რამდენად რეალურია მისიების ჩამოსვლა?
- პასუხი:** პოლიტიკაში რეალობა სულ სხვაა, ვიდრე მეცნიერებაში. პოლიტიკური რეალობა დამოკიდებულია ძალისხმევაზე. ის რაც ორი დღის წინ გვეჩვენებოდა განუხორციელებლად ყოველივე იქცევა რეალობად, როდესაც სახეზე ჩნდება მოქმედება და ბრძოლა.
- კითხვა:** თქვენის აზრით, რა კონკრეტული შედეგი შეიძლება მოგვცეს მისიების ჩამოსვლამ?
- პასუხი:** მას ექნება ძალიან დიდი დადებითი შედეგი, რადგან სსრკ დღეს უფრო ხილდება ურთიერთობებს დასავლეთთან. სხვა გამოსავალი არ არსებობს და აქედან გამომდინარე იგი არ შეიძლება იგნორირებას უწევდეს საერთაშორისო ორგანიზაციებს. თუ საერთაშორისო ორგანიზაციებმა სცნეს სა-

/ დასასრული /

ქართველოს ანექსია და აღძრეს საკითხი საქართველოს სახელმწიფოებრი-ობის რესტავრაციის შესახებ, ეს ძალიან ძლიერი დარტყმა იქნება კრემლისათვის და დიდი წარმატება ჩვენთვის.

კითხვა: ახლა ეროვნულ-განმათავისუფლებელი მოძრაობა მრავალ ფრონტზე იბრძვის: სამხედრო საპროტესტო აქცია, მისიების ჩამოყვანა, აფხაზეთისა და ოსეთის საკითხების მშვიდობიანად დარეგულირება, არჩევნების ბლოკირება, როგორ ფიქრობთ გვეყოფა ძალა ერთდროულად გავწვდეთ ყოველივე ზემოთქმულს?

პასუხი: ეს ფრონტი არ არის გაწეილი, იგი წარმოადგენს ერთმანეთთან მჭიდრო გადაბმული პრობლემების ერთგვარ ჯაჭვს. ჩვენ გვიხდება არაოპორტიონული ფრონტზე, არამედ რაღაც შემკვირებულ-შევიწროებული ბრძოლის ველზე. ამდენად, ჩვენი ოპტიმიზმი რეალურ საფუძველს ეყრდნობა.

კითხვა: თქვენ ოპტიმიზტი ხართ?  
პასუხი: მე არც ოპტიმიზტი ვარ და არც პესიმიზტი, მე რეალისტებს განვუკუთვინებ.

კითხვა: კომპარტიით დაწესებული და გეოლოგიური პარტიით დამთავრებული, დღეს საქართველოში 100-ზე მეტი პარტია და საზოგადოებაა შექმნილი. როგორ ფიქრობთ, რამდენად მისაღებია მათი ასეთი სიმრავლე და რომელი მათგანი წარმოადგენს დღეს რეალურ ძალას?

პასუხი: მე ღრმად მწამს, რომ ეროვნული მოძრაობის პლურალიზაციის პროცესი არის სავსებით ნორმალური და მისაღები, რადგან ეს არის დიფერენციაციის ეტაპი, რაც იმის აღმნიშვნელია, რომ ეროვნული მოძრაობა ინსტიტუტური ფაზიდან გადადის ჭეშმარიტ პოლიტიკურ ფაზაში, მაგრამ დიფერენციაცია კვლავ უბრუნდებოდეს ინტეგრაციას. ძალა მდგომარეობს არა ამორფულ, არამედ დიფერენცირებულ მთლიანობაში, როდესაც ათასნაირი განტოლებები კვლავ ერთიანდებიან ერთ მთლიან ნაკადში. დღეს რეალური ძალა გააჩნია იმ პოლიტიკურ ორგანიზაციებს, რომლებიც გაერთიანებული არიან ეროვნული ხსნის კომიტეტში.

კითხვა: როგორ ფიქრობთ, 29 ოქტომბრის კონსოლიდაცია მყარი და საბოლოოა?  
პასუხი: წინასწარ არაფრის პროგნოზირება არ შემიძლია, მაგრამ ჯერჯერობით შეაბეჭდილება ყველას ისეთი გეგმაც, რომ ეს არის საწინდარი ჭეშმარიტი ერთიანობისა და ღმერთმა ჰქმნას, რომ ჩვენი ერთიანობა იყოს ურღვევი.

კითხვა: ზოგს მიაჩნია, რომ ის ხალხი, რომლებიც არ არიან გაერთიანებულნი პოლიტიკურ ორგანიზაციებში, მაგრამ ყოველთვის თანგვიდგას მიტინგზე, დემონსტრაციებზე თუ გაფრცხვებზე, წარმოადგენს ბრბოს. ეთანხმებით თუ არა ამ აზრს და საერთოდ როგორ თვლით, ქართველი ხალხი გასული წლის ნოემბრის შემდეგ ჩამოყალიბდა თუ არა პოლიტიკურად?

პასუხი: მე არცერთ შემთხვევაში არ ვთვლი. ჩემს ხალხს ბრბოდ, მიუთქვამს ამის არავითარი ზნეობრივი უფლება არა მაქვს. ეს ხალხი ბრბო ნამდვილად არ არის. იგი რეალურად, რომელიც იმყოფება პოლიტიკური აღზრდისა და ჩამოყალიბების პროცესში.

კითხვა: 29 ოქტომბრის კონსოლიდაციაში ჩვენის აზრით უდიდესი და გადაწყვეტი რთლი ითამაშა ქართველმა ხალხმა. გაერთიანება არ იყო ნაკარნახევი არცერთი პოლიტიკური ორგანიზაციის მიერ, ეს იყო ალბათ ის შემთხვევა, როდესაც ერთმა გამოხატა და ადასრულა თავისი ნება. თქვენი აზრი ამ ფაქტის შესახებ?

პასუხი: მე ვადიარებ იმას, რომ კონსოლიდაციის იდეა მოდიოდა ხალხის მხრიდან. ეს არის ხალხის დამსახურება. ყოველივე ეს კიდევ ერთხელ მეტყველებს იმაზე, რომ ჩვენი ხალხის შეგნება და ცნობიერება საკმაოდ მაღალ დონეზე დგას.

კითხვა: ქართულ ეროვნულ მოძრაობაში არ არის ჩამოყალიბებული მცხოვრები არაქართველი მოსახლეობა. თქვენის აზრით, რისი ბრალია ეს?

პასუხი: ეს ჩვენი მტრული ძალების აგიტაციის შედეგია, რომელსაც ისინი აწარმოებენ სხვადასხვა ეთნოსების გადასამტერებლად და ამტკიცებენ მათში იმ აზრს, რომ საქართველოს განთავისუფლების შემდეგ, ისინი ჩავარდებიან უკიდურესად მძიმე მდგომარეობაში, რომ მათი საქმე დაუპუი იქნება და მათ აღარ ეცხოვრებათ საქართველოში. აგიტაციის საშუალებები სუკს-ს საკმაოდ გააჩნია და ამას იგი შესანიშნავად იყენებს. სამწუხაროდ, მან თავის მიზანს მიაღწია გარკვეულწილად. ჩვენ უნდა დავუმტკიცოთ ჩვენთან მცხოვრებ ყველა ეთნოსს, რომ თავისუფალ საქართველოში მათ გაცილებით უკეთ ეცხოვრებათ, ვიდრე იმპერიის უღელქვეშ.

კითხვა: სსრკ-ში გამეფებული დრმა ეკონომიკური კრიზისი (საგარეო ვალები, შიდა ბიუჯეტის დეფიციტი, ინფლაცია) გვაძლევს იმის გარანტიას, რომ არსებული არაკანონიერი სახელმწიფო მალე დაინგრევა. როგორ ფიქრობთ, რამდენი ხანი გვაცილებს საქართველოს სახელმწიფოებრიობის აღდგენამდე?

პასუხი: თქვენ სავსებით სწორად ილაპარაკეთ ეკონომიკური კრიზისის შესახებ. იგი უკვე დაწყებულია და სახეზეა მისი არათუ ნიშნები, არამედ მძლავრი გამოვლინებები. მე პირადად მიმაჩნია, რომ ჩვენ უნდა ვიბრძოლოთ არა უბრალოდ საქართველოს დამოუკიდებლობისათვის, არამედ იმპერიის დაშლისათვის. შეუძლებელია ოთხი მილიონი ქართველი ამხელა იმპერიას დაუპირისპირდეს, მაგრამ როცა მას უპირისპირდება ჩაგრულ ხალხთა მთელი სიმრავლე, იგი დიდი საფრთხის წინაშე დგება და სასწორი მის საპირისპიროდ იწყებს გადახრას. ჯერ კიდევ არ არის დამდგარი ახალი 1917 წელი, მაგრამ იგი მალე დადგება და ამ დროისათვის ჩვენ უნდა ვიყოთ მორალურად და პოლიტიკურად მომზადებულნი. რაც შეეხება ვადებს, ჩემის ღრმა რწმენით, მომავალ ათასწლეულამდე ყველა ეს პროცესი თავის სასურველ ფინალამდე მივათქვენ, იმპერიის ნგრევისას, გამოირიცხავთ თუ არა დროებითი კონფედერაციული სახელმწიფო წყობის და მრავალპარტიული სისტემის გავლის სტადიებს?

პასუხი: ეს გამოირიცხება. იმპერია არ ვარდაისახება, იგი დაინგრევა. ეს იქნება დესტრუქციული პროცესების გრანდიოზული ერთობლიობა. პოლიტიკური და

ეკონომიკური მოთხოვნებით ტოტალური გაფიცების მოწყობა უკვე დაწყებულია. ნელი პოლიტიკური გუგუნი, რომელსაც იმპერია ვერ გაუძლებს და მას ვერც არმია იხსნის, რადგან ნებისმიერი ინსტიტუტი, მათ შორის სამხედროც, დაკომპლექტებულია ჩვეულებრივი მოკვდავი ადამიანებით. ჯარი, თუკი ოფიცრობას გამოვიცხადოთ, ისევ და ისევ 18-19 წლის ბიჭებია. მისი დესტრუქციის ნიშნები კი უკვე სახეზეა, ეს პროცესი დაწყებულია ბალტიისპირეთსა და ამიერკავკასიაში და სულ მალე ალბათ ეპიდემიისავით მოედება მთელ კავშირს.

კითხვა: ვინ იყო თქვენთვის მერაბ კოსტავა?  
პასუხი: ჩემთვის ძალზედ მძიმე და მტკიცუნელია ამ თემაზე საუბარი. მერაბ კოსტავა იყო ადამიანი, რომელმაც მე მასწავლა (შესაძლებელია მე ეს ვერ ავითვისე და ვერც ვერასოდეს ავითვისო) თუ როგორი უნდა იყოს უკომპრომისო მებრძოლი: ზნეობრივად ამადლებული, პოლიტიკურად გამჭრიახი. იგი ყოველ ჩვენგანს გვასწავლიდა არა სიტყვით, არამედ ყოველდღიური ცხოვრებით და საქციელით, თუ რის ნიშნავს ბრძოლა და რას ნიშნავს სიყვარული. ჩემთვის მასთან კონტაქტი არ იყო კონტაქტი მხოლოდ უფროსთან მებრძოლთან, ეს იყო კონტაქტი უნიკალურ, განუმეორებელი თვისებების მქონე ადამიანთან. იგი განაგრძობს ჩემთვის არსებობას (და არა მარტო ჩემთვის) მერაბ კოსტავას სულისკვეთებით და სიყვარულით დღესაც სულდგმულობს და კვლავაც ისულდგმულებს ქართული ეროვნული მოძრაობა.

კითხვა: რამდენადაც ჩვენ ვიცით 9 აპრილს თქვენ მძიმედ დაზიანდით.  
პასუხი: დიახ, 9 აპრილს მე გონება დავკარგე და მივიღე ტვინის შერყევა.

კითხვა: რას უსურვებდით ქართველ ხალხს?  
პასუხი: გამარჯვებას.

დიდი მადლობა და გილოცავთ გაბედნიერებას.

ესაუბრნენ კოტე ჩოგოვაძე და ვაჟა ქუნთელია /საქა/ /საქა/

საქართველოს ეროვნული ხსნის მთავარი კომიტეტის წესდება

საქართველოს ეროვნულ-განმათავისუფლებელი მოძრაობა გადავიდა განვითარების ისეთ სტადიაში, რომლის დროსაც აუცილებელი ხდება ერთობლივი ძალისხმევითა და საყოველთაო ეროვნული მოზილიზაციით შეურიგებელი, ეკომპრომისო და მიზანდასახული ბრძოლა საქართველოს სახელმწიფოებრივი დამოუკიდებლობის აღდგენისათვის. ამ თვალსაზრისით, მიზნის მისაღწევად განუზომელი მნიშვნელობა ენიჭება ერის პოლიტიკურ კონსოლიდაციას, რაც კონკრეტულ შემთხვევაში ვულისხმობს საქართველოში დღეს არსებული წარმავანი ეროვნულ-პოლიტიკური, დემოკრატიული პარტიებისა და ორგანიზაციების შერწყმირებას ერთ ალიანსში, პარტიულ საწყისებზე. მხოლოდ საერთო ძალისხმევით მიღწევა თავისუფალი საქართველო და დამოუკიდებელი საქართველოს, როგორც ისტორიული სუბიექტის, საერთაშორისო არსებობის რეალურ სტრუქტურაში თვითდამკვიდრების გარანტია ეროვნული ერთიანობაა. რამეთუ საქართველოს გაერთიანებით დაიწყო დიად ეროვნულ საქმეთა აღსრულება დავით აღმაშენებელმა და ეროვნულ-განმათავისუფლებელი მოძრაობის კონსოლიდაციისათვის თავდაუზოგავად იბრძოდა თავისი მოწამულბრივი ცხოვრების გზაზე საქართველოს ეროვნული გმირი მერაბ კოსტავა.

1989 წლის 29 ოქტომბრის, რუსთაველის გამზირზე, ილია ჭავჭავაძისა და აკაკი წერეთლის ძეგლთან, საყოველთაო სახალხო მანიფესტაციის დროს მომხდარი ეროვნულ-პოლიტიკური პარტიებისა და ორგანიზაციების შეთანხმების საფუძველზე მოხდა საქართველოს ეროვნული ხსნის მთავარი კომიტეტის ერთიანობის რესტავრაცია, რაც ნიშანდობლივი საწყისია იმ გაერთიანებული თავგანწირული ბრძოლისა, რომელსაც გასწევს ქართველი ერი საქართველოს სახელმწიფოებრივი დამოუკიდებლობის აღდგენისათვის. თავისუფლება არსებობის უზენაესი მდგომარეობაა, რომლის მოპოვება იწყება უადრესად რაინდული და ზნეობრივი ცხოვრებით და საქართველოს ეროვნული ხსნის მთავარი კომიტეტი განმათავისუფლებელი მოძრაობაა. ლ ფაზაში გადასული საქართველოს პოლიტიკურ სარბიელზე უზრუნველყოფს მორალურ-ეთიკური კრიტერიუმებითა და პრინციპებით განსაზღვრულ მოქმედებას.

ძირითადი ნაწილი

მუხლი პირველი- საქართველოს ეროვნული ხსნის მთავარი კომიტეტი არის ეროვნულ-პოლიტიკურ პარტიათა და ორგანიზაციათა პარტიტულ პრინციპებზე აგებული თავისუფალი, ნებაყოფლობითი და დემოკრატიული ერთიანობა.

მუხლი მეორე- საქართველოს ეროვნული ხსნის მთავარ კომიტეტში ერთიანდებიან ის პოლიტიკური პარტიები და ორგანიზაციები, რომლებიც, როგორც შეიარაღებული აგრესიის უშუალო შედეგს, არ ცნობენ საქართველოში საბჭოთა ხელისუფლებისა და სახელმწიფო წყობილების არსებობის, საქართველოს რუსეთის მოდერნიზებული იმპერიის, ე.წ. სსრკ კავშირის შემაღენლობაში ყოფნა კანონიერებას და მიზნად ისახავს საქართველოს სრული სახელმწიფოებრივი დამოუკიდებლობისა და ტერიტორიული მთლიანობის აღდგენას, საქართველოში დემოკრატიული მრავალპარტიული პოლიტიკური სისტემის დამკვიდრებას.

მუხლი მესამე- საქართველოს ეროვნული ხსნის მთავარი კომიტეტი მოქმედებს თანასწორუფლებიანობისა და ერთიანობის პრინციპებით.

მუხლი მეოთხე- საქართველოს ეროვნული ხსნის მთავარ კომიტეტში მიიღებიან ის პოლიტიკური პარტიები და ორგანიზაციები, რომლებსაც აქვთ თავიანთი ჩამოყალიბებული სახე და წარმოადგენენ თავიანთი წესდებასა და პროგრამას.

მუხლი მეხუთე- ყოველი პოლიტიკური პარტია და ორგანიზაცია საქართველოს ეროვნული ხსნის მთავარ კომიტეტში წარმოადგენილია არაუმეტეს სამი წევრით.

მუხლი მეექვსე- საქართველოს ეროვნული ხსნის მთავარ კომიტეტში შემავალი პარტია და ორგანიზაცია ინარჩუნებს სრულ ორგანიზაციულ დამოუკიდებლობას და უფ-

ღებამოსილია იმოქმედოს დამოუკიდებლად საქართველოს ეროვნული ხსნის მთავარი კომიტეტისაგან, თუ არ მოხერხდა საერთო შეთანხმების მიღწევა ამა თუ იმ საკითხზე.

მუხლი მეშვიდე-საქართველოს ეროვნული ხსნის მთავარ კომიტეტში შემავალი პარტიებისა და ორგანიზაციების საერთო შეთანხმების საფუძველზე მიღებული გადაწყვეტილებების აღსრულება სავალდებულოა ყველა წევრ პარტიისა თუ ორგანიზაციისათვის.

მუხლი მერვე-ზნეობრივი პრინციპების მკაცრი დაცვით ეროვნული ხსნის მთავარ კომიტეტში შემავალ ნებისმიერ პარტიასა და ორგანიზაციას შეუძლია გააკრიტიკოს საქართველოს ეროვნული ხსნის მთავარ კომიტეტში შემავალი სხვა პარტიებისა და ორგანიზაციების დამოუკიდებულება ამა თუ იმ საკითხისადმი.

მუხლი მეცხრე-საქართველოს ეროვნული ხსნის მთავარი კომიტეტიდან გასვლა ნებისმიერი პოლიტიკური ორგანიზაციისათვის თავისუფალია.

მუხლი მეათე- ხმათა უმრავლესობით საქართველოს ეროვნული ხსნის მთავარი კომიტეტიდან მასში შემავალი რომელიმე პოლიტიკური პარტიისა და ორგანიზაციის გაყვანა აკრძალულია.

საქართველოს ეროვნული ხსნის მთავარი კომიტეტი

საქართველოს ეროვნული დამოუკიდებლობის პარტია

- 1.ირაკლი წერეთელი
- 2.თეიმურაზ სუმბათაშვილი
- 3.თორნიკე ფიფია
- 4.ირაკლი ბათიაშვილი
- 5.ვაჟა ადამია
- 6.ჯურამ გოგბაიძე

საქართველოს ჰელსინკის კავშირი

- 7.ზვიად გამსახურდია
- 8.ავთანდილ რეხილაძე
- 9.თემურ ქორიძე

საქართველოს ეროვნულ-დემოკრატიული პარტია

- 10.გიორგი ჭანტურია
- 11.ირინა სარიშვილი
- 12.ირაკლი ქადაგიშვილი

ეროვნულ სამართლიანობის პარტია

- 13.ირაკლი შენგელაია
- 14.ირაკლი მელაშვილი
- 15.ზაზა ზამთარაძე

მონარქისტული პარტია

- 16.თემურ უორჟოლიანი
- 17.იპსონ ფავლენიშვილი
- 18.გია ხონელიძე

საქართველოს დემოკრატიული პარტია

- 19.ვაჟა მთავრიშვილი
- 20.ვახტანგ ტალახაძე
- 21.თენგიზ შარმანაშვილი
- 22.ირაკლი კაკაბაძე
- 23.შალვა ვასაძე
- 24.ლათ გამყრელიძე

საქართველოს ეროვნული ღირსების კავშირი

- 25.თენგიზ დიხაშინჯია
- 26.გიზო კორძაძე
- 27.ჯუმბერ ხუნდაძე

საქართველოს სსრ მეცნიერებათა აკადემიის პრეზიდიუმს

მოგესხნებათ, რომ რუსთაველის გამზირზე, მთავრობის სასახლის წინ მიმდინარეობს პოლიტიკური აქცია, რომელსაც წარმართავს ეროვნული ხსნის მთავარი კომიტეტი და რომელშიც მონაწილეობას იღებს აცხადების ქართული მოსახლეობის წარმომადგენლები და ქართველი წევრადგენები. ამ აქციაზე წამოყენებული პოლიტიკური მოთხოვნები ზუსტად შეესაბამებიან ქართველი ერის ინტერესებს ეროვნულ-გამანათლებლებელი ზრდილის ამ მნიშვნელოვან ეტაპზე.

ჩვენ არაერთხელ დავრწმუნდით, რომ მეცნიერებათა აკადემიის პრეზიდიუმი ცდილობს გაეთიშოს ეროვნულ მოძრაობას და თავიდან აიცილოს პასუხისმგებლობა ქართველი ხალხის წინაშე. საქმის არსს ვერ ცვლის ცხრა აპრილის შემდეგ გამოჩენილი ერთგვარი აქტიურობაც, რადგან თამამად შეიძლება ითქვას, რომ ტრაგედიის ერთ-ერთი მიზეზი მაცანთა და მაცანთა კონფორმიზმი და განზე დგომის დანაშაულებრივი პოლიტიკაც იყო.

მიგვაჩნია, რომ მეცნიერებათა აკადემიამ ამაჯობად მაინც უნდა გამოკვეთოს თავისი ეროვნული პოზიცია. ამ მიზნით სასწრაფოდ უნდა შეიკრიბოს აკადემიის პრეზიდიუმი და მიიღოს რეზოლუცია მთავრობის სასახლის წინ მიმდინარე აქციის მოთხოვნათა მხარდასაჭერად. რეზოლუცია უნდა გამოქვეყნდეს რესპუბლიკურ პრესაში.

თუ აკადემიის პრეზიდიუმი არ მიიღებს ამგვარ გადაწყვეტილებას, ჩვენ საბოლოოდ დავრწმუნდებით, რომ მისი საქმიანობა მიმართულია ერის ინტერესების საზიანოდ და 3 ნოემბერს, 12 საათიდან დავიწყებთ მჯდომარე საპროტესტო გაფიცვას აკადემიის პრეზიდიუმის შენობის წინ.

მეცნიერებათა აკადემიის ინსტიტუტების თანამშრომელთა ჯგუფი

# საქართველოს ეროვნულ-პოლიტიკური ორგანიზაციების ერთობლივი კომუნიაკა

ჩვენ, საქართველოს ეროვნულ-პოლიტიკური ორგანიზაციები: საქართველოს პელსინკის კავშირი, წმინდა ილია მარტლის საზოგადოება, საქართველოს ეროვნულ-დემოკრატიული პარტია, საქართველოს ეროვნული-დამოუკიდებლობის პარტია, საქართველოს დემოკრატიული პარტია, საქართველოს მონარქისტული პარტია, საქართველოს ეროვნული სამართლიანობის პარტია, ქრისტიან-დემოკრატიული ასოციაცია ვაცხადებთ, რომ ამიერიდან ვიწყებთ ერთიან ზრდილას საქართველოს დამოუკიდებლობისათვის, ეროვნული ხსნისა და აღორძინებისათვის.

მერაბ კოსტავას ნათელი სული მოგვიწოდებს გაერთიანებისაკენ, რამეთუ მისი ოცნება იყო საქართველოს ყველა ეროვნულ ძალთა კონსოლიდაცია და ერთობლივი ზრდილა საქართველოს დამოუკიდებლობისათვის. აღსრულდა მისი ოცნება, დე იყოს ნება მისი.

ჩვენს შორის მიღწეულია პოზიციათა შეთანხმება საჭიროროტო ეროვნული პრობლემების გადაწყვეტის გზებთან დაკავშირებით, რამეთუ ჩვენს პროგრამებსა და პოლიტიკურ შეხედულებებს შორის ნიუანსური განსხვავებანი არ გვაძლევს დაქსასული, სეპარატისტული მოქმედების საფუძველს, მით უმეტეს, რომ ჩვენი მიზანი ერთიან-საქართველოს დამოუკიდებლობაა. ამიერიდან ჩვენ ურთიერთად შევთანხმებთ ტაქტიკურ და სტრატეგიულ საკითხებს, აქციებს და ვეგეგმავთ და განვახორციელებთ ერთობლივად და ვიმოქმედებთ საერთო გადაწყვეტილებების საფუძველზე. სადავო და საკონფლიქტო საკითხებს ვადავწყვეტთ მოლაპარაკების გზით.

საქართველოს ეროვნულ-დემოკრატიული პარტიის, საქართველოს დემოკრატიული პარტიისა და ეროვნული სამართლიანობის პარტიის ბრუნდებიან ეროვნული ხსნის მთავარ კომიტეტში, ხოლო მონარქისტული პარტია და ქრისტიან-დემოკრატიული ასოციაცია - შემოდიან ეროვნული ხსნის მთავარ კომიტეტში.

ღმერთი იყოს ჩვენი მფარველი!

1989 წლის 29 ოქტომბერი

- ზვიად გამსახურდია
- გიორგი ჭანტურია
- ირაკლი ქადაგიშვილი
- ირინა სარიშვილი
- ირაკლი წერეთელი
- თემურ სუმბათაშვილი
- ირაკლი ბათიაშვილი
- ვაჟა ადამია
- ნინო რატიშვილი

- იასონ ფავლენიშვილი
- თემურ უორჟოლიანი
- გია ხონელიძე
- ირაკლი შენგელაია
- ვაჟა მთავრიშვილი
- ვახტანგ ტალახაძე
- თენგიზ შარმანაშვილი
- ავთანდილ იმნაძე
- ციცო უორჟოლიანი
- ირაკლი კაკაბაძე
- გიზო კორძაძე

კომუნისტური პარტიის ცენტრალური კომიტეტის პირველ მდივანს

გივი გუმბარიძეს

ასლი: საქართველოს სახალხო ფრონტს  
რუსთაველის საზოგადოებას  
წევრადგენთა აქციის საორგანიზაციო ჯგუფს

1989 წ. 25 ოქტომბერს შესდგა საპროექტო ინსტიტუტის „საქსოფლმშენსახპროექტის“ რუსთაველის საზოგადოებისა და სახალხო ფრონტის პირველადი ორგანიზაციების გაერთიანებული კრება.

კრებამ განიხილა ის საგანგაშო მდგომარეობა, რომელიც შექმნილია ქართველ ჯარისკაცთა მიმართ საბჭოთა არმიის რიგებში.

აღინიშნა ქართველი ახალგაზრდების მკვლელობისა და წამების მრავალი ფაქტი, განსაკუთრებით 9 აპრილის ტრაგიკული მოვლენების შემდეგ.

კრებამ მიიღო რეზოლუცია:

გინაიდან საქართველო არის ანექსირებული ქვეყანა, საბჭოთა არმიის რიგებში სამსახური განხილულ უნდა იქნას საოკუპაციო ჯარებში სამსახურად, რაც ეწინააღმდეგება საერთაშორისო სამართლის ნორმებს. აქედან გამომდინარე და საბჭოთა ჯარში გაჩაღებული ანტიპარტული კამპანიის გამო, ჩვენ მხარს ვუჭერთ საქართველოში მიმდინარე წევრადგენთა აქციას, რომლის მონაწილე ახალგაზრდებიც უარს აცხადებენ საბჭოთა არმიის რიგებში სამსახურზე.

მოვითხოვთ, რომ ამ ახალგაზრდების მიმართ არ იქნას გამოყენებული რაიმე სახის რეპრესიები, როგორც აქციის მიმდინარეობისას, ასევე მის შემდგომაც.

წინააღმდეგ შემთხვევაში იძულებული ვიქნებით შევუერთდეთ იმ საპროტესტო აქციებს, რომლებსაც აირჩევს ქართველი ერი.

საპროექტო ინსტიტუტის  
„საქსოფლმშენსახპროექტის“  
რუსთაველის საზოგადოება და  
სახალხო ფრონტი.

# ინტერვიუ

ამა წლის 11 ოქტომბერს თბილისში დაიწყო წვევამღებების საოკუპაციო ჯარებში გაწვევის წინააღმდეგ მიმართული საპროტესტო აქცია. ჩვენი გაზეთის ლევალიძე ნომერში ვთავაზობთ ინტერვიუს მის ერთ-ერთ ორგანიზატორთან, ეროვნული დამოუკიდებლობის პარტიის წევრთან კობა ლურსმანაშვილთან.

## კობა ლურსმანაშვილი: ჩვენს პოზიციას არ ღაფთობთ!



**კომიხვა:** კობა, აი უკვე ოცი დღე გავიდა აქციის დაწყებიდან, გაიზარდა თუ არა მასში მონაწილე წვევამღებების რაოდენობა?

**პასუხი:** უნდა აღვნიშნო, რომ აქცია ზრდადაა, მასში მონაწილეთა რაოდენობა დღით დღე მატულობს და თბილისში მან უკვე ორას კაცს გადააჭარბა.

**კომიხვა:** საქართველოს სხვა ქალაქები და რაიონები თუ მოიცავს სამხედრო აქციამ და რა მასშტაბით?

**პასუხი:** რესპუბლიკის ოც ქალაქსა და რაიონში გამოცხადებულია ბოიკოტი საიმპერიო ჯარებში გაწვევასთან დაკავშირებით და გააფრთხილებს წვევამღებთა რაოდენობა 300 ადამიანზე.

**კომიხვა:** ხომ არ აჯობებდა მთელ რესპუბლიკაში გააფრთხილებს წვევამღებებისათვის თბილისში მოგვეყარა თავი?

**პასუხი:** ეს მე არ ნიშნავს მიზანშეწონილად, რადგან საჭიროა ამ აქციამ მოიცავს საქართველოს ყველა რეგიონი. ის წვევამღებები, რომლებიც გაწვევით უნდა იყვნენ საოკუპაციო არმიაში რაიონული და საქალაქო კომისიებისგან აუცილებელია გაიფიცონ საკუთარ საცხოვრებელ ადგილებზე, ეს გამოიწვევს აქციის გაზრდა-გამწვავებას. ერთი სიტყვით, ამ გრანდიოზულ აქციაში ჩაბმულია თითქმის მთელი საქართველო და ჩვენი მიზანმიმართულია ის, რომ მას უკონოა რაც შეიძლება ფართო და გლობალური ხასიათი.

**კომიხვა:** წვევამღებების რამდენი პროცენტი ითხოვს რესპუბლიკაში დარჩენას და რამდენი საერთოდ უარს აცხადებს საიმპერიო სამხედრო ბეგარის მოხდაზე?

**პასუხი:** თბილისელი წვევამღებების 100% და საქართველოს სხვა რაიონებისა და ქალაქების აბსოლუტური უმეტესობა საერთოდ უარს ვაცხადებთ ჯარში წასვლაზე.

**კომიხვა:** 1968 წლამდე საქართველოს კონსტიტუციაში არსებობდა მუხლი ქართული ეროვნული ფორმირების შესახებ. /ლიტვის უმაღლესმა საბჭომ წილს უკვე შეიტანა მსგავსი მუხლი თავის კონსტიტუციაში/ მოსახლეობა თუ არა ადგილობრივ მართონეტულ ხელისუფლებას ამ მუხლის აღდგენა?

**პასუხი:** იყო პერიოდი, როცა ჩვენ ამ მოთხოვნას ვაცხადებდით, მაგრამ მას შემდეგ რაც რესპუბლიკაში მოხდა მთელი რიგი დადებითი პოლიტიკური ძვრები, ჩვენ ეს მოთხოვნა მოგვსენით, რადგან ჩვენ არ გვინდა ისეთი საჯარისო ფორმირება, რომელიც დაექვემდებარება ისევ და ისევ კრემლს. საქართველოს ეროვნული არმია უნდა ჰყავდეს მხოლოდ და მხოლოდ მაშინ, როცა ჩვენ მივალწვევთ სრულ დამოუკიდებლობას.

**კომიხვა:** რა პოზიცია უჭირავს არსებულ ხელისუფლებას აქციისადმი?

**პასუხი:** ბოიკოტი საიმპერიო, დამპყრობლურ არმიაში სამსახურისადმი არ აწყობს ადგილობრივ ე.წ. ხელისუფლებას, რადგან იგი წარმოადგენს კრემლის მარionეტს. ამიტომ იგი ცდილობს გააბაროს ის პოლიტიკა, რომელსაც მას კარნახობს მოსკოვი. თავისთავად ეს აქცია წარმოადგენს დიდ საშიშროებას მეტროპოლისისათვის, რადგან იგი მთლიანად ეყრდნობა სამხედრო ძალაუფლებას, ხოლო თუ ეს ძალა მას გამოეცალა, იგი უკარგავს ყოველგვარ რეალურ ძალმოსილებას. მინდა აღვნიშნო, რომ ჩვენმა აქციამ უკვე მოიცვა მთელი ბალტიკა და ამიერკავკასია. ყოველივე ზემოთქმულიდან გამ-

ომდინარე რესპუბლიკის ხელმძღვანელობა ყოველნაირად ცდილობს არ დაუშვას სიტუაციის გამწვავება, ცდილობს გაშალოს ამ აქციის საწინააღმდეგო აგიტაცია-პროპაგანდა მოსახლეობაში და შეძლოს წვევამღებების ჯარში წაყვანა, მაგრამ ყველა წვევამღელი, რომელიც გაფიცულია თავის პოზიციას არ დათმობს, ჩვენი გადაწყვეტილება საბოლოო, მტკიცე და ურყევია. ჩვენ მთელ ძალასა და ენერჯიას მოვახმართ საქართველოს დამოუკიდებლობისათვის ბრძოლას და სანამ პირში სული გვიდგას ჩვენს პოზიციებს არ დავთმოთ.

31/XI-89წ.

ესაუბრნენ კრემლში და ვაჟა ქუნთელია

## საღვ-ს პიკველი კონკრეტის კაზოლუცია

საქართველოს ეროვნული დამოუკიდებლობის პარტიის პირველი კონგრესი აცხადებს: სახელმწიფო, რომელიც შენდებულადაა ატარებს სსრ კავშირის სახელს, წარმოადგენს რუსეთის მოდერნიზებულ იმპერიას, კრემლის ტრადიციულ დიდპყრობლურ პრინციპებზე აგებულს, რომელმაც სუვერენულ სახელმწიფოთა ანექსიით მიყვანა რუსეთის იმპერიის დანგრევის შედეგად განთავისუფლებულ ერებში შეიარაღებულ აგრესიას დაყრდნობით განახორციელა გასაბჭოების დანაშაულებრივი პოლიტიკა და დღეს არსებული საბჭოთა სახელმწიფოს სახით შეიქმნა დაპყრობილ ერთი იძულებითი გაერთიანება. გარეშე შეიარაღებულ ძალებზე დაყრდნობით განხორციელებული გასაბჭოება იყო დანაშაული და აგრესია, რომელიც საბჭოთა ბოლშევიკურმა რუსეთმა განახორციელა ამიერკავკასიის, მოლდავეთის და ბალტიკისპირეთის ხალხების მიმართ. არაფართო კანონიერი საფუძველი ამ ქვეყნებში არც საბჭოთა ხელისუფლების და არც მოდერნიზებული რუსეთის იმპერიის ე.წ. სსრ კავშირის საოკუპაციო ჯარების ყოფნას არ გააჩნია, რადგან არსებული მდგომარეობა, რომელიც უშუალოდ შედეგია ერთი ქვეყნის მიერ სხვა ქვეყნების მიმართ ჩადენილი აგრესიისა, საჭიროებს ძირფესვიან შეცვლას და თვისობრივი თვალსაზრისით არსებული მდგომარეობის პრინციპულად განსხვავებულ სტადიაში გადასვლას. დაპყრობილი ერის ნება და მისწრაფება თავისუფლებაა, რომელიც უპირველეს ყოვლისა წარმოადგენს უნდა იყოს სახელმწიფოებრივ დამოუკიდებლობაში, რამეთუ თვითგამორკვევის უზენაესი პრინციპის რეალიზაციით სუვერენულ სახელმწიფოებად ჩამოყალიბებული თავისუფალი ერები ქმნიან უფლებრივ თანასწორობას და ურთიერთობისთვის და მყარებულ მსოფლიო მთლიანობას, რომელიც კაცობრიობის პროგრესული და დემოკრატიული განვითარების ნათელი ყოფაა, მეოცე საუკუნე ერთი თვითგამორკვევისა და თვითდაფუძნების დიდი საუკუნე თავისუფლების, როგორც მსოფლიო პოლიტიკის რეალურ სტრუქტურაში არსებული სინამდვილის ტოტალურ ხორცშესხმას წარმოადგენს და თავისი ბუნებრივი განვითარებით უპირისპირდება იმპერიულ პრინციპებსა და სტრუქტურებზე დაფუძნებულ სახელმწიფოებრიობას. არაფართო ლოგიკური საერთო თანამედროვე დემოკრატიულ ცივილიზაციასთან არ შეიძლება გააჩნდეს სსრ კავშირად სახელმწიფოებულ იმპერიას, რადგან სახელმწიფოებმა, რომელთა დოქტრინა გამორიცხავს ერთი ეთნოსული განვითარებას, დიდი ხანია ამიწურეს თავიანთი დანიშნულება. ამიტომ საქართველოს ეროვნული დამოუკიდებლობის პარტიის პირველი კონგრესი ეგვიპეტულად წინასწარმეტყველებს რუსეთის მოდერნიზებული იმპერიის დაშლას მის მიერ დაპყრობილი ერების თავისუფალი განვითარების სასარგებლოდ და ბალტიკისპირეთის, მოლდავეთის, უკრაინისა და სომხეთის ეროვნულ-პოლიტიკურ, დემოკრატიულ ძალებს მოუწოდებს შეიქმნას რუსეთის მოდერნიზებული იმპერიის მიერ დაპყრობილი ერების განთავისუფლებისა და დეკოლონიზაციის ერთიანი კომიტეტი.

მსოფლიო ყველა ერის სუვერენულ სახელმწიფოებად ჩამოყალიბებას გააუმჯობესებს მნიშვნელობა აქვს კაცობრიობის დემოკრატიული განვითარებისათვის, რის გარეშეც ვერ მოხერხდება თავისუფლების, როგორც არსებობის უმაღლესი მიზნის რეალიზაცია მსოფლიო სინამდვილეში. ამ თვალსაზრისით უდიდესი მისია ეკისრება ეროვნულ-განმათავისუფლებელ მოძრაობას, რომელმაც უდიდესი სიძინელებისა და წინააღმდეგობების გადალახვის ფასდაუფცილოდელი გამარჯვება უნდა მოიპოვოს ქალმომრეგობაზე აგებულ უდიდესი შეიარაღებული-პოტენციალის მქონე იმპერიაზე. დღეს როდესაც იმპერიის სხვადასხვა რეგიონებში დღით დღე აღმაგლობს განიცდის ინტელი მოძრაობა რუსეთის მოდერნიზებული იმპერიის მიერ დაპყრობილი ერების განთავისუფლებისა და დეკოლონიზაციის ერთიანი კომიტეტის შექმნა იქნება განთავისუფლებული მოძრაობის თვისობრივად ახალ ეტაპზე გადასვლა.

რუსეთის მოდერნიზებული იმპერიის მიერ დაპყრობილი ერების განთავისუფლებისა და დეკოლონიზაციის ერთიანი კომიტეტი პარტიულ პრინციპებზე გააერთიანებს საქართველოს, სომხეთს, უკრაინის, ლიტვის, ესტონეთისა და მოლდავეთის იმ ეროვნულ-პოლიტიკურ ორგანიზაციებს, რომლებიც მიზნად ისახავენ დასახლებული ქვეყნების სახელმწიფოებრივი დამოუკიდებლობის აღდგენას.

გაზეთ „დროების“ რედაქცია თანამოაზრეებს გიწვევთ სათანამშრომლოდ. თქვენ შეგიძლიათ დაგვიკავშირდეთ ტელეფონებით:

37-51-36 კ. როგოვაძე /საღვ  
99-37-52 ვ. ქუნთელია /საღვ

გაზეთი მოამზადეს კრემლში და ვაჟა ქუნთელიამ